



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### კიკილაშვილი ლამარა ირაკლის ასული



ლ. კიკილაშვილი

კიკილაშვილი ლამარა ირაკლის ასული (2. XI. 1930, სოფ. ჯუგაანი, სიღნაღის მუნიციპალიტეტი, - 12. X. 2018, თბილისი), ჟურნალისტი, მთარგმნელი. საქართვე. დამს. ჟურნალისტი (1983). დაამთავრა თსუ-ის ფილოლ. ფაკ-ტი (1955). სხვადასხვა წლებში მუშაობდა საქართვე. რადიომაუწყებლობისა და ტელევიზიის სახელმწ. კომიტეტში, რადიოს უკანასკნელ ცნობათა და ლიტ.-დრამატულ რედაქციებში, ტელევიზიის ლიტ.-დრამატულ რედაქციაში იყო შემოქმედებითი გაერთიანება „სხვის“ ლიტერატურისა და ხელოვნების რედ. რედაქტორი. მის მიერ მომზადებულ გადაცემებში შემორჩენილია გ. ტაბიძის, გ. ლეონიძის, კ.

გამსახურდიას, ს. ჩიქოვანის, რ. ინანიშვილის, ჭ. ამირეჯიბის, ო. ჭილაძის, ა. კალანდაძის, მ. ლებანიძის, თ. ჩხენკელის, ვ. ანჯაფარიძის და სხვა ხელოვანთა ხმის ჩანაწერები, რ-ებიც ინახება საქართვე. რადიოს „ოქროს ფონდში“.

კ-ის საავტორო გადაცემა „სახსოვარი“ ქართ. მწერლობისა და ხელოვნების ფართო სპექტრს მოიცავდა. მას ნათარგმნი აქვს ვ. ვან გოგის „წერილები“, ა. პერიუშოს „პოლ გოგენი“, „ტულუმ-ლოტრეკი“, „მანე“, „მონე“, ა. ფიდლერის „ამაზონის ძახილი“ და „კანდის ტყეთა სურნელება“.

კ. დაჯილდოებულია საქართვე. სახელმწ. (1995), ნ. ნიკოლაძის სახ. პრემიებით, ჟურნალისტთა საერთაშ. ფონდის უმაღლესი ჯილდოთი - „ოქროს ფრთა“.

თბმ.: სახსოვარი, წგ., 1-3, თბ., 2008.

**თ. დოღიძე**

---